

- Giru archeologicu in Sartè  
<http://www.chibu.fr/?p=14740>





## Giru archeologicu in Sartè

Nantu l'isula sò tanti i siti archeologichi di l'età di u bronzu ! Vistu a superfice di a cumuna di Sartè sò unepochi custindi. In issi lochi ùn hè micca faciule à ghjunghje ci è parechji sò insignati in modu micca chjaru.

**U spassighjà cù e maghjine**



Simu andati in un situ trà i più importanti è accunciati d'issu rughjone : u pianu Cauria.

A pazienza, ci vole à avè ne da truvà u puntu chì parte issa passighjata. Di fatti parechji anu messu in dubitu i scrittoghji chì l'insegnanu. Ma ùn purtate penseru : l'entrata precisa a vi insegnu in a rubrica [quj](#).



• Prima di ghjunghje à u locu si avanza longu à un campu magnificu.

- **Spassighjata in u neuliticu**



Ghjunti nantu à u situ, tuttu vene chjaru. Hè accunziatu per tuttognunu un parcorsu di scupertu è chì permette di scopre varii lochi di vita di u neuliticu.









Si principia cù un'infilata di *menhirs* capalti di altura, *I Stantari*. Certi tenenu sempre à bastanza particolari. Ci si pò vede e strisce fatte in a petra da una spada, o dinù qualchi capu. Ma omu s'accorda à di chì da un annu à l'altu da ch'elli funu alzati issi stantari, isse sculpture si squassanu: segnu chì u granitu si sdrughje longu à l'anni.



• L'infilarate di stantare sò parecchie





• Certe sò sculpite in modu precisu precisu






• U chjassu tira avanti sinu à un ochju d'acqua


U chjassu ci porta sinu à un'altra infilarata, *Renaghju*, pocu dopu à un bellu ochju d'acqua duve e giunchiglie salvatiche stinزانu i so pedali ver'di u sole. Dopu, à pena più insù, si scopre u dolmen di *Funtanaccia*, cù a so statura impressiunante à bastanza!.





• A infilarata o gruppu di *U Renaghju* stà sottu à e lecce





• Ci ne hè di più ma unepochi in gattivu statu.





• Unepochi sò sdraiati in pianu





• Hè u locu da fà ci a merendella ! Attenti, petre ùn si ne tocca.

Da sapè ne di più, vi dumandu di andà à leghje qui sottu l'indicazione ch'omu trova antu à u situ (ci vole à cliccà [qui](#).)





• U locu hè bellu assestatu.






• Un cane di pastore, cumpagnu di una stundetta, hà fattu cun noi a spassighjata.





Sottu à l'arbuli, à mezu parcorsu, ci sò agrotti sott'à pentoni.





• U chjassu hè propiu una campa.





• U dolmen di *Funtanaccia* hè prutettu da chì nimu ci pudessi cullà nantu





Di taglia hè propiu un sprupositu.

## **Ancu di più stantare aggruppate insieme**

In giru à Cauria, s'ellu vi ferma un pocu di forza è di tempu, vi prupongu di scopre altre meraviglie lacate ci da l'antichi.





infilata di *Palaghju*

Ripigliendu a strada ver'di *Tizzà* si pò raghjunghje u situ di l'infilate di *Palaghju*. Ci vulerà à viaghjà una cria di più ma nunda tremendu..

In u chjassu si scopre in più una bella custruzione in ruina di dimensione à bastanza maiò. Segnu di a divizia in issu locu in tempi ch'ùn sò tantu landani. Palaghju hè nantu à un terrenu privatu è in gattivu statu...

Si ponu vede sette insemi di petre sculpite. Nantu à certe ci sò segni di facce o d'arme. Altre parenu micca compie.

Quand'ellu hè statu scupertu issu situ, ci eranu dinù cascioni di petre, certi mai aperti. L'ogetti trovi indrentu sò in u museu in cità.





• Porta di a casa ch'omu trova strada facendu





• U situ hè in gattivu statu.





• E stantare sò quasi tutte in pianu.





Ma certe sò belle infilarate

## Stanzare è cascioni scantati

In un chjosu vicinu à u chjassu da induv'ellu si parte per *Palaghju* ci era prima un'altra infilarata più chjuca, quella d'*Apazzu*, ma dopu stata arritta più di 6000 anni, è po a tuntia umana hà supranatu issa vistica di u passatu. Ci sarianu in a machja sempre unepoche di stanzare.

Nantu à a carta quì sottu, truverete u locu d'altre stanzare è cascioni scantati in issu settore. Pudete dinù ricullà ver'di *Pitretu* è *Bicchisgià* duv'ellu ci hè parechji siti da scopre.





## Castelle d'Alò Bisusgè

Qui si parla di una furtezza o un castellu. In realtà si tratta di un situ turreu cum'ellu si ne pò truvà vicinu à Pitretu è Bicchisgià o in Cucuruzzu.

Hè nantu à una cullettula ed hè cumpostu da una torre alzata nantu una cava è trè altre cave vicine. À pena di più à sudueste si ponu vede e vistiche di rifugi è di stantare.

Quassù a vista hè magnifica !





• U situ d'Alò Bisuje